

U O R D E N per la cumischiun da gestiun dals stabels cumünals
* * * * *

Ils seguaints suotindichats stabels cumünals:

Z E R N E Z:

- Chastè
- Stalla dal chastè
- Chasa dal meidi
- Chas'Alossai
- Chasa da scoula
- Bogn public
- Villa Spöl
- Vill'Elsa
- Edifizi da gestiun
- Chasin Costetta
- Local da pumpiers
- Local vegl da pumpiers
- Local da protecziun civila
- Chasa da pravenda

B R A I L:

- Chasa da scoula
- Lataria

Art. 1 La cumischiun da gestiun

La suprastanza cumünala nomna üna cumischiun da gestiun chi pissera per ün bun adöver e mantegniment e surveglianza dals stabiliments surnomnats.

La cumischiun da gestiun as cumpuona da 5 commembers, ella as constituischa sves.

La suprastanza e'l cussagl da scoula delegescha minchün ün represchantant, ils oters trais vegnan tschernüts da la suprastanza cumünala.

Art. 2 Incumbenzas da la cumischiun

La cumischiun da gestiun ha las seguaintas incumbenzas e competenzas:

- a) Da pisserar per il mantegnimaint ed eventualas reparaturas urgiaintas dals indrizs technics e dals stabilimaints fin frs. 5'000.--/cas. La cumpetenzza finanziaria dess però esser limitada a frs. 25'000.-- per on. A la cumischiun suprastà da rapportar a la suprastanza sur da las investiziuns previssas.
- b) Da cumprar ils materials per l'andamaint da la gestiun.
- c) Da survagliar l'adöver da tuot il stabilimaints.
- d) La cumischiun da gestiun elavurescha a man da la suprastanza per ils seguaints stabilimaints ün regulativ special:
 - Chasa da scoula e Chas'Alossai
 - Bogn public
 - Chastè
 - Edifizi da gestiun
 - Locals da protecziun civila
 - Chasa da scoula da Brail

Art. 3 Coordinaziun culla suprastanza

La cumischiun da gestiun rapporta in scrit a la suprastanza e fa propostas per:

- a) L'adöver, fittanzas e scumparts da las localitats re-sguardond il bsögn cumünal.
- b) Reparaturas plü grondas o adattamaints bsögnus chi surpassan ils frs. 5'000.--.
- c) Las taxas o'l fit per l'adöver dals stabilimaints tenor regulativ e contrats da fittanzas.

Art. 4 Quint administrativ

Il quint administrativ vain manà da l'administraziun cumünala. Ils quints han da gnir visats avant co gnir pajats dal president da la cumischiun. Ils contos dessan dar üna survista sur da las entradas e sortidas dals singuls stabilimaints.

Art. 5 Salaris

Ils commembers da la cumischiun da gestiun vegnan pajats confuorm a la remuneraziun dals suprastants cumünals.

Art. 6 Disposiziuns finalas

Quist uorden aintra in vigur cun l'acceptaziun da la suprastanza cumünala.

Zernez, in schner 1994

Il president cumünal:

Ch. Buechi



L'actuar cumünal:

S. Agnini

Il president da la cumischiun da gestiun:

[Signature]